

Biblioteca Provinciale Dr. Friedrich Teßmann

Lì imparé savei

Biblioteca Provinciale Dr. Friedrich Teßmann
Strada Armando Diaz 8
I-39100 Balsan
info@tessman.it
www.tessmann.it

Imprèst +39 0471 47 18 15
Informaziuns +39 0471 47 18 14
Aministraziun +39 0471 47 18 11

Orar al publich
Lönesc-vëndres 9.00-19.00
Sabeda 9.00-16.00 (messè y agost 9.00-12.30)

Nüsc sorvisc

La „Teßmann“ é la sóra biblioteca scientifica universala de Südtirol y ara à laprò na racoiüda unica de leteratöra regionala. I pitun n azès ales informaziuns y al savèi comot y asvelt.

Pro la portina de informaziun ciafèise, tratan le orar de daurida aiüt y consulènza.

Pro la portina de imprèst vègnel dè fora i media apostà o prenotà tres internet y i podèis incè de zoruch cí che i èis bele imprestè fora. L'imprèst é debann.

I media dla Biblioteca Provinciale po incè gnì imprestà fora o dà zoruch tres les biblioteches zentrales o les biblioteches de valada a Porsenù, Bornech, Eppan, Maran, Neumarkt, Urtijèi, Solaneres/Schlanders y Sterzing.

Libri todèsc o inglesc y articui de folieç che n'é nia da abiné tles biblioteches de Südtirol, podunse apostè tres imprèst internaziunal.

Por studènc dles scores altes y por düc chi che é interessà pitunse regolarmènter seminars sòn les metodes de inrescida de informaziuns.

Sciöche Biblioteca Provinciale organisunse incè de vigni sort de manifestaziuns culturales y cursc de ajornamènt por bibliotecars.



Nosta sènta

Tl foyer abinèise la portina de informaziun y de imprèst. Tl catalogh digital él portè ite düc i media dla Biblioteca Provinciale. Pro i computri a desposiziun dl publich pon fà inrescides tl catalogh dla biblioteca, tó vijiiun tl archif digital di folieç y dles revistes y te nostes banche daç, navighè te internet y scrì instèsc tesç y i elaborè. Implü él a desposiziun les mascinn da fà fotocopies, stampantes y scanners.

Tl salf de letöra ca dant, olache al é folieç y revistes, podèise platernè te folieç da vigni dé o tles ediziuns plü nöies de revistes specialisades.

Dailò metunse fora vigni edema danü incè les acuisiziuns plü nöies. Tl salf doia él posc da stè a lì y da podèi laurè sòn computer y, al é zirca 9.000 operes de consultaziun tles corones, olache an po ciarè do zènda damanè. Chi che lì y laöra plü ion alaleria, po jì defora, olach'al é mèses y scagns.

L'azès a internet zènda cabl y eletrizité dà la poscibilitè a vignun da laurè bel comot sòn so laptop.





Nosc patrimone

Nosc patrimone tol ite plü de 400.000 media y plü o manco 1.250 revistes ordinares. La maiù pert dl patrimone é metüda ia te n archif sot tera ite. Vigni ann röiel laprò zirca 12.000 publicaziuns nöies. Ara se trata suradöt de publicaziuns todèsces y inglejes de vigni ciamp dl savèi.

Nostes racoiüdes specialistiche é les Tirolesia. Chilò se tolunse dant de avèi dan man sides döt cant ci che reverda les operes scrites da südtirolesc y südtirolejes, les operes gnüdes fora te Südtirol, che les operes dedicades a Südtirol. Les operes publicades te Südtirol nes röia ite sciöche deponüda legala. Implü vëgnel cumprè pormez dötes les publicaziuns importantes gnüdes fora tles regiuns dl vedl Tirol. Pro le patrimone sura le Tirol ünse inçe na racoiüda grafica de 1.800 plates che le fondadù dla biblioteca, Dr. Friedrich Teßmann à coiü adöm te süa vita.

En colaboraziun cun tröpes d’atres biblioteches partner ünse digitalisé les revistes storiches dl Tirol che é sëgn por la maiù pert dan man te internet tl archif digital dles revistes.

Na quantité ampla de operes de consultaziun digitala te intranet, de lexica y de manuali sön papier tl salf de letöra, pita n pröm conat cun nosta gran oferta de informaziuns.

www.tessmann.it

Sön nosc sit internet pitunse, dlungia les informaziuns generales sön la Biblioteca Provincziala, sorvisc desvalis.

An po fà inrescides tl catalogh y i utènc scriç ite po se apostè i libri chiris fora tres internet y i aministré tres la misciun de imprèst. Sce i ésses da ne ciafè nia fora la leteratöra che i chiris te nosta racoiüda, podèise propone da cumprè le liber sce i implis fora le formular aposta.

Sce i orèis savèi cares che é les publicaziuns nöies cumprades pormez, podèise jì sön le menü y cliché „acuisiziuns nöies“. Dailò pon inresci aladò de ciamps spezialisà o inçe aladò de periodes de tèmps limitades. Implü él da ciafè sön nosc sit na bibliografia tres ajornada dles operes plü nöies de Tirolesia.


Le archif digital dles revistes é de n miliun de plates de revistes storiches dl 19ejim y 20ejim secul ti lingac todèsch y ladin. Te chësta racoiüda de materiai de fontanes storiches podèise platernè 24 ores sön 24.



Nosta storia

Tl 1957 à Friedrich Teßmann (1884-1958) iurist, politicher y storic scinché süa gran racoiüda de operes che reverda le Tirol, zirca 12.000 volums, ala Academia Austriaca dles Sciënzes. N ann plü tert él gnü inaudè la Biblioteca Teßmann; l’aministraziun y l’assistènza dla Biblioteca é gnüda surantuta dal Südtiroler Kulturinstitut. Tl 1967 é la biblioteca gnüda trasferida tla ciasa de Cultura Walther von der Vogelweide, olache ara é spo aciasada adöm cun la biblioteca de stüdi dl Südtiroler Kulturinstitut. Tl 1982 diventà spo la Biblioteca Teßmann Biblioteca Provincziala. Trèi agn plü tert àra ciafè süa sènta tla strada Armando Diaz 8, olache ara é dötaurela.

La Biblioteca Provincziala fej sü proieç por le dagnì. Te n valgügn agn ciafaràra, adöm cun la Biblioteca Zivica da Balsan y la Biblioteca Provincziala Taliana süa sènta nöia tl Zènter bibliotecar da Balsan.



Info

La Biblioteca Provincziala pon arjunje cun le bus (staziun plaza Vittoria) dala staziun dla ferata da Balsan o dal zènter te 10 menüç a pé. La plaza da lascè i auti plü daimprò é sön plaza Vittoria.

Biblioteca Provincziala Dr. Friedrich Teßmann
Strada Armando Diaz 8
I-39100 Balsan
info@tessman.it
www.tessmann.it

Imprèst +39 0471 47 18 15
Informaziuns +39 0471 47 18 14
Aministraziun +39 0471 47 18 11

Orar al publich
Lönesc-vëndres 9.00-19.00
Sabeda 9.00-16.00 (messè y agost 9.00-12.30)